

拾遺考證 一二

服部文庫

117

788

1



117  
788  
1

絕句解拾遺考證序

曩徂徠先生欲選明詩諸

體遍為之解五七言絕句

律詩選漸成著述多端未

及終而歿初命曰唐詩典

刑首載例言數條後改曰  
唐後詩而不載例言其五  
言絕句滄溟七言絕句解  
先成後有刪去命曰絕句  
解其刪去者門人以其解

之可惜也輯之且附弇州  
七言絕句解摠題曰絕句  
解拾遺云先生手澤例言  
余藏之其末條曰古來箋  
詩其據引則學步李善解

釋則借吻考亭一詩所詮  
 延蔓數帑武庫森矗反碍  
 電目理窟勃率迺斃羽金心  
 雖誇富贍安資諷詠今湔  
 舊套特剏新規事唯標用

某事而使之自考意不必  
 說何意而導其獨思時添  
 一字躍如言下此是程明  
 道說詩方忽發數語冷然  
 意外亦為劉辰翁評詩法

先生解詩之意見于斯矣  
然則具列故事諄諄詳說  
非先生之意也雖然解之  
行于世也日既久矣達者固  
宗之但寒鄉之士既無師

友又乏書冊雖粗識所由  
考索是艱茫乎不能的知  
其為何事非志不至也無  
所攀援耳余竊惜焉每二三  
子問據蒐輯錄之漸積

成卷命曰絕句解考證既  
 刊拾遺考證亦尋成講習  
 多事不復為意藏巾笥十  
 餘年矣絕句解及拾遺舊  
 刻不附國字問師教授誤

國讀失詩意頗多矣余故  
 附國讀於二書校而刊之  
 二三子曰拾遺考證亦可  
 以行因取諸巾笥刪補刊  
 之前考刊後復有所得焉

錄而補之雖緒餘不足行  
附以助博矣夫吾黨之教  
小子也務慣讀無國字書  
自勤考據而得意義矣然  
此師資薰陶漸靡之所致

在都下學士會集之地則  
非甚難事也若夫寒鄉豈  
得能如是乎自先生倡明  
詩海內響應苟挾書者雖  
幽僻之地知有明詩之解

家家藏之然見テ以為河漢  
 遂終不曉耳後進之無階  
 何由升堂乎余欲先生之  
 業覃及四國無遐邇被其  
 化是考之不可以已也且



學詩者不多諳故事其材  
 不弘矣周覽スルオハ二考則未必  
 無微益也夫讀詩者要能  
 領解其意獲魚舍筌何必  
 區區逐末之為如甚未全



落意解數諷誦之則自得  
 矣何須諄諄詳說之亦唯  
 在鑽味先生之解而推之  
 而已余有一二擬解不拘  
 例而載之考中

明和戊子之冬

南總字惠撰



東都平明謹書



五絕解拾遺考證

灑水 字惠子油考

○李攀龍 見前考五絕 前此著絕句

解考證此考次前考故前已出者今皆

註曰見前考其出蒙求者亦隨前考之

例註曰見蒙求 徂徠先生手澤稿本

云字于鱗濟南人仕至河南按察使以

家近海上故學者稱滄溟先生又稱濟

五絕解拾遺一

色刃平合星是考證

南稱歷下與李空同並稱為後李與元美並稱王李

○秀才 潛確類書國史補曰進士為時所尚久矣繇此出者終身為文人其通稱為秀才投刺曰鄉貢得第曰前進士  
○杯中物 五車韻瑞引晉書云吳衍好飲酒後醉忤權貴遂戒飲阮宣命飲衍曰近斷飲宣以拳毆其背曰看看老癖

癡忍斷杯中物邪強飲之 陶潛詩天運苟如此且進杯中物

葉公 新序子張見魯哀公曰君之好士也有似葉公子高之好龍也葉公子高好龍鈎以寫龍鑿以寫龍屋室雕文以寫龍於是天龍聞而下之窺頭於牖拖尾於堂葉公見之棄而還走失其魂魄五色無主是葉公非好龍也好夫似龍

而非龍者也

○菱歌

文選張協七命榜人奏采菱之

歌云云

浣紗人

西施

寰宇記會稽有東施家

西施家施其姓也西施浣紗于溪句踐

得之獻吳王

順德綰孔道

太玄經孔道夷如註孔道

通道也

史記燕東綰穢貉朝鮮真番

之利註綰者統其要津也

漢書姑羌

辟在西南不當孔道師古曰孔道者穿

山險而為道猶今言穴徑耳

元美此時讞獄三輔

李攀龍贈王元美

按察青州諸郡序元美所為守尚書郎

九歲當遷者再輒報罷則貴人側目矣

亡何稱治獄使者北察燕趙諸郡居十

月而竣事且入致命于天子乃遷按察

副使奉璽書治青州部兵事焉 按漢書百官表右扶風左馮翊京兆尹是為三輔明人多借用謂北直隸

○接輿狂

論語楚狂接輿歌而過孔子

曰鳳兮鳳兮何德之衰往者不可諫來者猶可追已而已而今之從政者殆而公嘗曰云云 王世貞作李于鱗傳曰于鱗益厭時師訓詁學間側弁而哦若古

文辭者諸弟子不曉何語咸相指于鱗狂生狂生于鱗夷然不屑也曰吾而不狂誰當狂者

全用屈原自比

見蒙求屈原澤畔註

綵花

綵勝

杜甫人日詩勝裏金花巧

耐寒邵註若勝花乃剪綵之巧也豈怯寒不開 藝文類聚賈充典戒曰人日造華勝相遺像瑞圖金勝之形又像西

王母戴勝也。釋名花勝言人形容止等一人著之則勝也。何氏類鎔人日有剪絲為人者有鏤金為人者或插之于人頭鬢上或帖之于人屏帳間豈非以人人入新年形容固宜從新而改舊邪。

○可憐 李白詩可憐飛燕倚新粧

文園 史記相如拜為孝文園令

四壁 見蒙求文君當壚註

○駘蕩 文選謝眺詩明情以鬱陶春物方駘蕩李善曰莊子曰惠施之材駘蕩而不得司馬彪曰駘蕩猶施散也

○還 杜甫臘日詩侵凌雪色還萱草卻非因暖而生故曰還還字妙

三徑 蔣元卿 詡表字 見蒙求蔣詡

三徑註

峨眉白雪

王世貞漫興詩野夫興就不

復刪大海迴風生紫瀾欲問濟南奇絕

處峨眉天半雪中看

蘄絕

文選廣絕交論大行孟門豈云蘄

絕

移疾

移書謝疾謂罷官也

漢書三月

地大震恭移病出師古曰移病者移書

言病也一曰言以病移居不居官府

○山林士

韓愈上宰相第一書主上感

傷山林之士有迭遺者屢詔內外之臣

旁求於四海而其至者蓋闕焉

○天顏

杜甫詩天顏有喜近臣知

○殿卿

見前考五絕

○知音

見蒙求伯牙絕絃註

○賞心

謝靈運詩含情尚勞愛如何離

賞心 又邂逅賞心人與我傾懷抱  
 三都賦 人傳左太冲 玄晏事 見蒙  
 求左思十稔註 三都賦見文選 文  
 選皇甫謐三都賦序玄晏先生曰古人  
 稱不歌而頌謂之賦云云李善曰嶽榮  
 緒晉書曰皇甫謐字士安安定朝那人  
 謐自序曰始志乎學而自號玄晏先生  
 玄靜也先生學人之通稱也

未得為知音 蓋許未與知文章妙處云  
 云 按知音賞心蓋意同耳殿卿雖才識  
 不及于鱗平日親炙之則其意所嚮往  
 悉能知之雖七子中之人有未及知者  
 蓋其言無不中意故稱知音耳人傳左  
 太冲亦與千載意同非有堂奧之異也  
 雖于鱗獨立有不許者於殿卿則不然  
 此解恐齷矣



獨立有如此 禮記儒有委之以貨財淹  
之以樂好見利不虧其義云云其特立  
有如此者

田作 謂農事 漢書居民得並田作不

失農業

○高枕 漢書布反薛公曰出于下計陛  
下高枕而臥矣

○斗酒 楊惲與孫會宗書烹羊包羔斗

酒自勞

伏雌謂抱卵之雞 漢書元帝初元中丞

相府史家雌雞伏子漸化為雄師古曰

伏音房富反 詩所百里奚妻琴歌曰

履屨百里奚五羊皮憶別時烹伏雌炊

糜屨今日富貴忘我為

郭山人五嶽游囊雜錄 列朝詩集郭山

人第字次甫長洲人隱于焦山有南平

五岳之願自號五游云云登嵩山返于岱至海上訪異人于勞山循海而返五岳游其二遂不復出云云王世貞亦有郭山人六絕句字彙五嶽眾山之宗而尊者也爾雅泰華霍恒嵩郭注霍山即天柱山為衡山衡山南嶽也東嶽泰山在兗州西嶽華山在弘農北嶽恒山在定州中嶽嵩山在潁州

五岳圖 即真形圖見漢武內傳 漢武

內傳帝又見王母巾笈中有一卷書盛以紫錦之囊帝問此書是仙靈方耶不審其目可得瞻盼否王母出以示之曰此五嶽真形圖也昨青城諸仙就吾請求今當過以付之乃三天太上所出文秘禁重豈汝穢質所宜佩乎云云汝雖不正然數訪仙澤扣求不忘於道欣子

有心今以相與當深奉慎如事君又泄示凡夫必禍及也云云

費長房事 見蒙求長房縮地註

○東林寺 見前考五絕此借用

捫蝨 晉書桓溫入關王猛詣之而談當

世之事捫蝨而言旁若無人溫異之

衲衣不堪著 葛仙翁事 翁當作公

列仙傳葛玄字孝先丹陽句容人號曰

葛仙公嘗有客來謁與談笑不輟時苦

寒謂客曰居貧不能設爐致煖試作火

以供諸君於是張口吐氣火赫然而出

須臾屋中火滿 按列仙傳補蜀有道

士陽狂俗號曰灰袋乃翟天師弟子也

嘗大雪中衣單褐入青城山暮投蘭若

求寄宿僧曰貧僧一衲衣而已天寒如

此恐不能相庇但言容一牀足矣

絕句解遺考證

卅五

半雪深風冽稍無息聲僧慮道士已死  
就見之去牀數尺蒸如炊而袒寔流汗  
僧知其異人將欲挽之未明不辭而去  
飯胡麻 桃源水 漱落花 天台劉阮  
事 見蒙求劉阮天台註

巢父意 見前考七絕上 按因許由瓢  
而及巢父

詎能那 杜甫詩杖藜不睡誰能那

謁來 猶聿來也 劉向七言謁來歸耕

永自疎 思玄賦自註謁去也 通雅

今語詞用謁來猶聿來也

○深谷中 琴操猗蘭操者孔子所作也

孔子歷聘諸侯諸侯莫能任自衛反魯

隱谷之中見香蘭獨茂喟然嘆曰夫蘭

當為王者香今乃獨茂與眾草為伍乃

止車援琴鼓之自傷不逢時託辭不蘭

絕句解遺考證

卅一

經角才遺考證

云

觚 鄉飲酒之爵也 稿本作說文鄉飲

酒之爵也韓詩外傳二升曰觚通雅觚

卽觶也以圓與稜分二十七字 按儀

禮鄉飲酒禮無觚而有觶

○市上眠 杜甫詩長安市上酒家眠

高陽徒 酈生事 見前考七絕上

元美云其下者亦木難火齊 藝苑卮言

李于鱗如大商舶明珠異寶貴堪敵國

下者亦是木難火齊 楊升庵外集曹

子建詩明珠交玉體珊瑚間木難註引

南越志云木難金翅鳥沫所成碧色珠

也大秦國珍之按其形色則今夷方所

謂祖母綠也 通雅今寶石出西番回

鶻諸坑井內雲南遼東亦有之紅者名

刺子碧者名靛子翠者名馬價珠黃者

絕句解人遺考證

十一

名木難紫者名臘子碧者唐人謂之瑟瑟紅者宋人謂之靺鞨又魏畧大秦國出火齊玫瑰唐書羅利國有火齊續漢書哀牢地出火精琉璃演繁露謂天竺有火齊如雲母

○王世貞 稿本云字元美蘇州大倉人仕至南京刑部尚書號鳳洲又號弇州又號天弢居士其先出瑯邪故學者稱

瑯邪大倉古婁江吳地故又稱吳郡稱婁江又婁東又稱王大司寇與李攀龍同倡古文唐詩故並稱王李與弟敬美並稱兩瑯邪又稱王長公王次公又稱二美

○人日 初學記董勛問禮俗曰正月一日為雞二日為狗三日為猪四日為羊五日為牛六日為馬七日為人

絕句解合遺考證

十三

記東方朔占書云歲後八日一日為雞  
云云七日為人八日為穀其日晴主所  
生之物育陰則災

○冰雪 峨峨 楚辭魂兮歸來北方不

可以止些增冰峨峨飛雪千里些

○貂鞞 防汗也 貂說文鼠屬大而黃

黑 後漢輿服志註徐廣曰貂紫蔚采  
潤而毛采不彰灼北方寒涼本以貂皮

暖額附施於冠因遂變成首飾 鞞恐

鞞誤汗恐扞誤正字通鞞古洽切音夾

說文防汗也徐曰猶今夷人扞胷玉

篇鞞橐也以防扞也 按貂鞞二物也

以貂為護領以鞞為約腰共禦寒具也

金鈿 梁范雲詩耳中解明月頭上落金

鈿 字彙鈿金華飾

豹人 見前考五絕蕭郎下

續台解抄述考證

○朱顏 楚辭美人既醉朱顏酡些

嘉靖三十二年四月海寇犯大倉州 皇

明通記癸丑 嘉靖三十二年 四月海寇

犯太倉州攻城不克分掠有失舟倭四

十人突至平湖海寧等境焚戮慘虐官

兵禦之皆敗殺把總指揮千百戶縣丞

諸官奪舟而去 南直隸名勝志蘇州

府太倉州云弇州園集弇州續集弇州

別集共三百餘卷王世貞撰公字元美

自號弇州山人有弇山園在州城內隆

福寺前

吳中 南直隸名勝志蘇州府云本荊蠻

之域周泰伯讓國來奔居今無錫縣之

梅里始號句吳漢書項羽傳舉吳中兵

則稱吳中灌嬰傳破吳郡長吳下則稱

吳下唐李德裕指為吳之門戶則稱吳

色句解台續述考證

一

十五



門又古昔有吳會之語諸葛孔明云東連吳會

閩

南直隸名勝志蘇州府云城邑攷

云府城即閩閩故城周敬王六年吳閩閩時子胥謀國相土嘗水象天法地以築大城周廻四十二里三十步小城八里二百六十步開陸門八以象天之八風水門八以法地之八卦其名皆子胥

所制東曰婁曰匠西曰閩曰胥南曰盤曰蛇北曰齊曰平吳都賦云通門二八水道六衢

姑蘇臺潛確類書吳地記吳王闔閭十一年起臺于姑蘇山因山為名西南去國三十五里春夏遊焉後夫差又高而飾之

子胥語史記淮南王劉安傳伍被曰臣

聞子胥諫吳王吳王不用乃曰臣今見麋鹿遊姑蘇之臺也今臣亦見宮中生荆棘露沾衣也

太白妙境 李白蘇臺覽古詩只今唯有

西江月曾照吳王宮裏人

○贍 字彙餘也唐書殘膏贍馥六書正譌別作剩非

北邙 山名在洛陽古來墳墓處 沈佺

期邙山詩北邙山上列墳塋萬戶千秋

對洛城 大明一統志河南河南府云

北邙山在府城北一十里

○青燈 陳子昂詩銀燭吐青烟

○燈花 西京雜記陸賈曰目暱得酒食

燈花得錢財

○瑣獨 毛詩嗟矣富人哀此瑣獨

○蚤發鉅鹿道中 共二首一首在絕句

解

漳水

潛確類書濁漳河在順德府平鄉

縣源出山西潞州發鳩山即禹貢漳水

也

鳴鷄

群書拾唾半夜子鷄鳴丑早旦寅

日出卯食時辰禺中巳日中午日昃未

晡時申日入酉黃昏戌人定亥

馮驩遊孟嘗君門下 見蒙求馮驩折券

註

桑落酒

潛確類書霏雲錄河東桑落坊

有井每至桑落時取水釀酒甚美故名

桑落酒 彙苑酒名出蒲城中西羌有

桑落河出馬乳酒和葡萄壓之通雅

相傳河中桑落坊井所釀魏饋黃憲桑

落酒庾開府詩蒲城桑落酒碧湖雜錄

言桑陰時製麴

六

色句解合量考登

約畧較

三字一意

按周頌儀式刑

文王之典之儀式刑

言秋風起時

稿本時下有也字

張季鷹

見蒙求張翰適意註

故園東望詩

岑參逢入京使詩故園東

望路漫漫雙袖龍鍾淚不乾馬上相逢

無紙筆憑君傳語報平安

言鄉平安

○金吾

漢書中尉秦官掌徼循京師武

帝太初元年更名執金吾

夕拜郎官

漢官儀黃門郎日暮入對青

瑣門拜名曰夕郎亦謂之夕拜

雙魚

魚帶官人所佩

天中記天授二

年改佩魚為龜其後三品以上龜袋飾

以金四品以銀五品以銅中宗初罷龜

袋復給以魚郡王嗣王亦佩金魚袋景

龍中令特進佩魚散官佩魚自此始也

唐車服志

五馬 見前考五絕

金張許史漢時貴戚 漢書蓋寬饒曰上

無許史之屬下無金張之託應劭曰許

伯宣帝皇后父史高宣帝外家也金金

日磾也張張安世也 蒙求許史侯盛

安世三策

一榻 南州徐孺子 見蒙求陳蕃下榻

徐穉置芻註

善謔 毛詩善戲謔兮不為虐

嗒坐 莊子語 莊子南郭子綦隱几而

坐仰天而噓嗒焉似喪其耦 韻會嗒

託合切解體貌廣韻嗒然忘懷也

莫處士 當是莫是龍 列朝詩集莫是

龍字雲卿以字行更字廷韓華亭人方

伯子良之子十歲善屬文以諸生久次

貢入國學云云嘗作送春賦手自繕寫  
詞翰清麗皇甫子循王元美皆激賞之  
又莫山人叔明字公遠長洲人徙居  
武林僻好為詩苦思險詣務出于人所  
不經道高自標置每謂人近日出語太  
易人得無以岑嘉州目我乎群少年皆  
目笑之數見譏困貧亦益甚遊燕齊及  
楚返葬于武林自伐石為之表曰明詩

人莫公遠之墓按莫處士疑謂莫叔  
明其僻可見王世貞作莫山人像贊并  
序其意亦似不與其人也

俏雅 韻會俏似也

可與語人無二三意 嘯虹筆記不如意  
事常八九可與人言無二三世俗習傳  
語也貳師乃云可與言人無二三更覺  
有味臨漢詩話謂王摩詰詩閉戶著多

書歲月種松皆老作龍麟為古本亦有  
致圓機拈法感慨部不如意事常八  
九可與語人無二三

與彭澤顏明府來謁同意 見絕句解

○米花村 王世貞歷黃榆馬嶺記循澗

可二十里得村曰米花

三戶 出史記 項羽本記楚南公曰楚

雖三戶亡秦必楚也

卓馬 李商隱詩斷教魚搯四柱卓馬濟三

靈

東坡云云 蘇軾前赤壁賦哀吾生也須

臾羨長江之無窮挾飛仙以遨遊抱明

月而長終知不可乎驟得託遺響於悲

風

京口 地名 潛確類書南直隸鎮江府

禹貢揚州之域三國吳初都于此後遷

都秣陵乃置京口

○雙淚漣 周易泣血漣如

前不見古人後不見來者 此古語 唐

孟啓本事詩宋武帝嘗吟謝莊月賦稱

歎良久謂顏延之曰希逸此作可謂前

不見古人後不見來者昔陳王何足尚

邪 文體明辨陳子昂登幽州臺歌前

不見古人後不見來者念天地之悠悠

獨愴然而涕下

人言阿龍超阿龍故自超 桓廷尉語

世說王丞相拜司空桓廷尉作兩髻葛

帟策杖路邊窺之歎曰人言阿龍超阿

龍故自超不覺至臺門註阿龍丞相小

字 晉書桓彝字茂倫譙國龍亢人以

功封萬寧縣男補宣城内史追贈廷尉

又王道字茂弘晉國既建以導為丞



相軍諮祭酒以討華軼功封武岡侯進位侍中司空假節錄尚書領中書監云云

上國武庫

晉書杜預拜度支尚書在內

七年損益萬機不可勝數號曰杜武庫

言其無所不有也又裴楷目鍾會如

觀武庫森森但見矛戟在前瑕玷靡所

不見世說補周弼稱裴逸民若武庫

五兵縱橫註惠帝起居註曰顧理甚淵

博贍於論難藝苑卮言王維李頎雖

極風雅之致而調不甚響予美固不無

利鈍終是上國武庫

李夢陽

稿本云字獻吉北地人號空同

先生學者稱云北地或北郡又與李于

鱗並稱為前李其在當時與何仲默齊

名謂之李何又稱高李高子業也

東華門

京城門

見前考七絕上五鳳

鳳下

明律凡入皇城午門東華西華

玄武門及禁苑者各杖一百

大璫

後漢書武冠一曰武弁大冠諸武

官冠之待中中常侍加黃金璫附蟬為

文貂尾為飾

陸機百年歌跨州越郡

還帝鄉出入承明擁大璫

康熙字典

璫音當說文華飾也又廣韻耳珠集韻

充耳也

魏徵昭陵之對

宋祁唐書魏徵傳文德

皇后既葬帝即苑中作層觀以望昭陵

引徵同升徵熟視曰臣眊昏不能見帝

指示之徵曰此昭陵邪帝曰然徵曰臣

以為陛下望獻陵若昭陵臣固見之帝

泣為毀觀帝太宗文德皇后太宗之

后昭陵后陵獻陵太宗父太祖陵後祔

母太穆皇后

采蓮曲 梁曲江南弄有之 古樂苑引

古今樂錄曰梁天監十一年冬武帝改

西曲製江南上雲樂十四曲江南弄七

曲一曰江南弄二曰龍笛曲三曰採蓮

曲四曰鳳笙曲五曰採菱曲六曰遊女

曲七曰朝雲曲

大堤曲 西曲有之 古樂苑西曲歌題

註按西曲歌出於荆郢樊鄧之間而其

聲節送和與吳歌亦異故因其方俗而

謂之西曲云

春女 毛詩有女懷春吉士誘之

楊白花 北魏歌曲名 詩所題註楊華

武都仇池人魏將大眼之子少有勇力

容貌雄偉胡太后逼通之華懼禍奔梁

太后追思之不能已為作楊白花歌使

刺セキ

糸在角才...

...

宮人連臂蹋足歌之聲甚悽惋華本名  
白花入梁後改名華

采菱曲 梁武帝江南弄七曲之一 見

前

刺刺 韓愈送殷員外序丁寧顧婢子語

刺刺不能休

淅淅 雨聲 康熙字典淅歷雨聲夏侯

孝若寒雪賦集洪霰之淅瀝タル

元美夜雨生白髮同意 見前

百泉 毛詩衛風苾彼泉水亦流于淇朱

注泉水即今衛州共城之百泉也

○踏歌 潛確類書唐長安士女千餘人

於燈毬下踏歌三日聲調入雲歌曰長

安少女踏春陽何處春陽不斷腸舞袖

弓腰渾忘却娥眉空帶九秋霜弓腰謂

舞腰有弓彎之狀

色句解人...

...

衛為紂故都其俗淫

鄭玄詩譜邶衛

紂故都

長干 南直隸名勝志應天府江寧縣云

吳實錄云建康南五里有山岡百姓雜

居名大小長干巷即今聚寶門外報恩

寺前大道也

○黃州 大明一統志湖廣黃州府建置

沿革云禹貢荊州之域春秋時黃國地

隋改為黃州

彭蠡澤 江漢所匯在鄱陽 尚書潘冢

導漾東流為漢又東為滄浪之水過三

滋至于大別南入于江東匯澤為彭蠡

東為北江入于海 江西名勝志南昌

府新建縣云志云鄱陽湖在府東北百

五十里即禹貢之彭蠡也

開先寺 在廬山 江西名勝志南康府

星子縣云開先寺在城西十五里匡廬山之麓也宋黃庭堅開先修造記云南唐中主年十五參廣陵政事浮慕物外名無經世意開舍五老峯下有野夫獻地買之萬金初爲書堂及卽位改曰開先寺以獻地爲有國之祥也又云寺側爲青玉峽龍池潭蓋西峽之水注於池支流石間又云桑喬山疏云瀑布

泉在開先寺側其源出於漢陽峯西流爲康王谷之谷簾泉東流爲開先寺之雙瀑方冬泉脉微循崖而流涓涓然如一綫春夏汎溢直落霄漢間裊裊如垂匹練日光灼之燦爛作黃金色倏爲驚風所擊則中斷不下久之忽飄入雲際如飛毬撲雪迸珠散玉頃刻萬狀殆難以名言也廬山之南瀑布以十數皆待

積雨方見惟開先之瀑不窮掛流三四百丈望之如懸索水所注處石悉成井深不可測云 李白詩挂流三百丈噴壑數十里

○瀑布半天上飛鄉落人間 李白詩飛流直下三千尺疑是銀河落半天

王廬山 匡裕所廬故名 見前考七絕上廬山仙區下

廬山有雙劍峯 大明一統志雙劍峯在廬山與香爐峯相對

○盈盈車馬客 古詩十九首盈盈樓上女 陸機詩門有車馬客

醜 蓋同 康熙字典醜阻限切爵也或作賤又旨善切義同 韻會賤阻限切

或作蓋醜云云又銑韻旨善切杯也

徐子 昌穀 見前考五絕

何舍人

仲默為中書舍人

見前考五

絕

夏口

在黃州

天明一統志湖廣南昌

府云夏口在荆江之中正對沔口黃

州當作南昌

○青袍

見前考五絕

唐歐陽率更法帖

宋祁唐書歐陽詢字

信本潭州臨湘人初做王羲之書後險

勁過之因自名其體尺牘所傳人以為

法貞觀初歷太子率更令弘文館學士

竹葉

謂酒

潛確類書張協七命云荆

南烏程豫北竹葉古詩竹葉清香好何

妨飲數杯蒼梧之地釀酒以竹葉雜于

中極清潔故杜詩云三杯竹葉青

采薇人

此非用夷齊事

毛詩采薇采

薇薇亦作止曰歸曰歸歲亦莫止詩



序云采薇遣戍役也 史記伯夷叔齊  
隱於首陽山采薇而食之歌曰登彼西  
山兮采其薇矣

○觀袁永之樂府 按列朝詩集袁袞字

求之吳縣人載長干曲詩曰停橈暗相  
語妾在長干住郎亦秣陵人便可同舟  
去樂府疑指此詩也蓋觀此詩而戲調  
非誚不得古調矣

子夜歌 曲名 詩所題註子夜者晉有

女子名子夜造此歌聲過哀苦後人更  
為四時行樂之詞謂之子夜四時歌

閶門 在吳 南直隸名勝志蘇州府云

閶門取象天門通閶闔風也閶闔欲破  
楚楚在西北故立閶門以通天氣又名  
破楚門史傳中多書作昌門或謂春申  
君諱破楚之名故改昌門

館娃 宮在吳 潛確類書引吳郡記云  
靈巖山在平江府城西吳王之別苑在  
焉有館娃宮琴臺響屨廊西施洞娃方  
言美女也

睨睨 毛詩睨睨黃鳥載好其音

石梁梟 梟然 梟然二字稿本為添字

註例可圍梟梟然三字連讀

弇州亦云刪則精矣 藝苑卮言季才大

固苞何孕徐不掩瑜也李所不足者刪  
之則精二子所不足者加我數年亦未  
至矣

○何景明 見前考五絕 稿本云號大  
復山人學者稱信陽

○白雪曲 古詩所琴曲歌辭有徐孝嗣  
白雪歌朱孝廉白雪曲

○赤錦絛 絛當作條編絲繩也字書無

緜字然五雜組亦有解緜縱鷹語蓋流俗訛用

風搏 搏扶搖之搏 搏稿本並作搏為

是莊子鵬之徙於南冥也水擊三千里搏扶搖而上者九萬里釋文搏徒端反司馬云搏飛而上也一音博崔云拊翼徘徊而上也

○五花毛 見前考七絕上五花文下

○長安 白雲望不盡 李白詩總為浮

雲能蔽日長安不見使人愁 世說晉

明帝曰舉目見日不見長安

○中宵 宵恐霄誤

左掖 宮中小門 書言故事註掖與肘

腋之腋同宮旁舍曰腋庭門旁小門曰

掖門殿旁垣門曰掖垣

○薛君采 名蕙見前考五絕 稿本云

仕至考功郎中故稱考功

文園病司馬消渴望金莖 不賜金莖露

一盃 共見前考七絕上下

孫豹人曰一句一絕云云 四時詩見淵

明集 楊升庵外集絕句者一句一絕

起於春水滿四澤夏雲多奇峯秋月揚

明輝冬嶺秀孤松也或以為淵明詩非

也杜詩兩個黃鸝鳴翠柳實祖之王維

詩柳條拂地不忍折松柏梢雲從更長

藤花欲暗藏猓子栢葉初齊養麝香宋

六一翁亦有一首云夜涼吹笛千山月

路暗迷人百種花碁散不知人換世酒

闌無奈客思家皆此體也樂府有打起

黃鶯兒一首音連句圓未嘗閒斷當參

此意便有神聖工巧

豹人曰樂天云一宿體寧云云 白居易

草堂記樂天既來為主仰觀山俯聽泉  
傍睨竹樹雲石自辰及酉應接不暇俄  
而物誘氣隨外適內和一宿體寧再宿  
心恬三宿後頽然嗒然不知其然而然

○籬通亂水過

杜甫詩亂水通人過懸

崖置屋宇

豹人曰道一淺字不得云云 王世懋執

圃擷餘作詩道一淺字不得改道一深

字又不得其妙政在不深不淺有意無  
意之間

小景 謂短幅畫 圖繪寶鑑宋馬賁河

中人宣和待詔工畫花鳥佛像人物山

水尤長小景 事文類聚前集僧惠崇

建陽人工畫鷺鷥鷺尤工小景善為寒

汀烟渚瀟洒虛曠之狀 王荆公詩註

武陵人 見蒙求武陵桃源註

○清明 三月節

團扇短章 鍾嶸詩品評漢婕妤班姬曰

其源出於李陵團扇短章辭旨清捷怨

深文綺得匹婦之致侏儒一節可以知

其工矣 班婕妤怨歌行新裂齊紈素

皎潔如霜雪裁為合歡扇團團似明月

出入君懷袖動搖微風發常恐秋節至

涼風奪炎熱棄捐篋笥中恩情中道絕

孫豹人姚佺期 見前考五絕蕭郎下佺

期號耻齋

范箕生戴道默 范箕生名士楫戴道默

名明說俱順治人二人作歷代詩家有

初集二集

錢謙益 錢謙益號蒙叟崇禎中作列朝

詩集有甲乙丙丁乾潤六集

○徐禎卿 見前考五絕 稿本云一字

昌國常熟人徙吳縣仕至迪巧郎遷國子監博士故稱迪功又稱徐博士

○送范靜之遷威州 此詩三首前首在絕句解

巫山 山名 四川名勝志夔州府巫山

縣云楚之郡秦漢之縣皆以巫名曰巫山自隋始治南有山如其字也廣輿記云形如

字巫

瞿塘 峽名 廣輿記四川夔州府云瞿

塘峽在府城東舊名西陵峽兩岸對峙中貫一江灑灑瀕堆當其口乃三峽之門

○陽天 杜甫陪李梓州泛江詩競將明媚色偷眼艷陽天

玉壘 山名 四川名勝志成都府汶川縣云寰宇記云玉壘山在縣南三里又有玉輪坂其下汶水所經謂之玉輪江

山出璧玉，即郭景純所謂玉壘作東別之標者。又威州云本志云州城原為汶川縣址，城內之民半屬汶川，城以外純屬汶矣。

巴川 水名 四川名勝志保寧府巴州縣云巴江源出大巴山至當州東南分為三流而中央橫貫勢若巴字

乘舟捉明月 李白狂興 潛確類書捉

月亭在太平府城北采石山世傳李白過采石酒狂從水中捉月因以名亭

直到女牛邊 李賀詩女牛渡天河

鳳鳥 吹簫 用簫史事見蒙求簫史

鳳臺註

薛蕙 見上

謝榛 見前考七絕上稿本云眇一目故七子書中有稱眇君子



新豐地名 陝西名勝志西安府臨潼

縣云新豐城在縣東十八里新豐原下

漢高以太上皇思東歸乃于此置縣徙

豐人以實之故曰新豐西京雜記以為

胡寬所營矣別本云太公平生所好皆

屠販少年酤酒賣餅鬪雞蹴鞠以為歡

故新豐少衣冠子弟多無賴少年所居

行路難 新曲歌辭 新當作雜古詩所

古樂苑文體明辨等行路難在雜曲歌

辭明辨註左克明云秦漢以來文人才

士作者非一或情思之所感或宴游之

所發或叙離別悲傷之懷或言征戰行

役之苦故有名存義亡不見所起而有

古辭可考者有古辭已亡而後人繼有

擬述者又有因意命題學古叙事者總

謂之雜曲 樂府古題要解行路難備

唐詩品  
彙虞虞  
途中口  
號詩抱  
五三朝  
楚懷書  
十上秦  
年洛  
陽陌花  
鳥弄歸  
人謝詩  
蓋本於  
此

言世路艱難及離別悲傷之意

荀卿將入楚 被讒 史記齊襄王時而

荀卿最為老師齊尚修列大夫之缺而

荀卿二為祭酒焉齊人或讒荀卿荀卿

乃適楚而春申君以為蘭陵令

范叔未歸秦 遭辱 見蒙求須賈擢髮

註 杜甫詩韋賢初相漢范叔已歸秦

花鳥非鄉國 杜審言詩遲日園林悲昔

遊今春花鳥作邊愁

悠悠 莫有休期意 行路人 有老風

塵之意 高適詩豈知書劍老風塵 張

謂詩縱令然諾暫相許終是悠悠行路

心 按謝詩用張詩語轉自謂

塞下曲 橫吹曲名 古詩所古樂苑橫

吹曲辭有入關出塞入塞折楊柳關山

月等詩 文體明辨橫吹註橫吹者軍

中馬上所奏之樂也

西山 在北京西連亘沙漠 北直隸名

勝志順天府宛平縣云西山在府城西

三十里舊經太行山首始河內北至幽

州之第八陁也

驕虜 漢書稱匈奴天之驕子 匈奴傳

單于遣使遺漢書云南有大漢北有強

胡胡者天之驕子也不為小禮以自煩

嚴武詩更催飛將追驕虜

○行李 康熙字典博雅行李關驛也又

與理通左傳行李之往來周語行李以

節逆之泊宅編李理義通人將有行必

先治裝如孟子之言治任理亦治也

代州 岢嵐 山西名勝志大原府云代

州在府城東北三百五十里 又云岢

嵐州在府西二百八十里

白草 胡地草皆白 王昌齡出塞行詩

白草原頭望京師黃河水流無盡時唐

詩解胡地多白草其高平處因名

那知塞垣事 軍事多秘不可得聞 按

此句蓋言我不與軍事而謂諸將不堪

任也 鮑昭東武吟追虜窮塞垣

○老去秋 杜甫詩老去悲秋強自寬

不為愁人住少時 戴叔倫詩沅湘日夜

東流去不為愁人住少時

超乘而上 左傳秦師過周北門左右免

胄而下超乘者三百乘

所謂程不識用兵部伍齊整 藝苑卮言

謝茂秦詩如程不識兵部伍肅然刁斗

時擊而寡樂用之氣 史記程不識正

部曲行伍營陳擊刁斗士吏治軍簿至

明軍不得休息然亦未嘗遇害

○皇甫汸 汸字子循長洲人嘉靖己丑進士至雲南按察僉事號百泉先生年八十乃卒子循七歲能詩舉進士名動公卿

陸機有君子有所思行 見文選

所謂糅六朝作中唐者 歷代詩家皇甫汸詩題語云子循自評曰吾與我周旋久自成一家人信然所謂一家者六代也

中唐三糅而出之 詩數皇甫子循以六朝語入中唐調而清空無迹

○徐渭 稿本云字文長山陰人號天池學者稱為山陰

桃葉渡 在秦淮口桃葉王獻之妾名妹曰桃根王賦詩桃葉答歌清商曲 南直隸名勝志應天府云秦淮口有桃葉渡古樂苑桃葉歌題註古今樂錄曰桃

葉歌者晉王子敬之所作也。桃葉子敬妾名，緣於篤愛，所以歌之。樂府集云：桃葉獻之妾，妹曰：桃根。今秦淮口有桃葉渡，卽其事。王獻之詩二首：桃葉復桃葉，渡江不用楫。但渡無所苦，我自迎接汝。藝文作我桃葉復桃葉，桃樹連桃根。我自來迎接相憐兩樂事，獨使我殷勤。藝文作我纏絲桃葉答歌二首：桃葉映紅花，無風自婀娜。

春花映何限，感君獨採我。桃葉復桃葉，渡江不得穩。風波了無常，沒命江南渡。

○湯顯祖 稿本云字義仍臨川人故稱

臨川

信陵君飲酒近婦人 史記語 信陵君

傳公子率五國之兵，破秦軍於河外，遂至函谷關，抑秦兵。秦王患之，令毀公子於魏。王曰：諸侯徒聞魏公子，不聞魏王。

魏王日聞其毀不能不信後果使人代  
公子將公子自知再以毀廢乃謝病不  
朝與賓客為長夜飲飲醇酒多近婦女  
日夜為樂飲者四歲竟病酒而卒

神來語

唐殷璠曰夫文有神來氣來情  
來有雅體野體鄙體俗體

顧薛

顧璘字華玉上元人弘治九年進  
士授廣平知縣至南京刑部尚書年七

十餘卒璘少負才名與何李相上下虛  
已好士如恐不及詩矩矱唐人以風調  
勝薛蕙見前

五絕解拾遺考證

6.

滄溟七絕解拾遺考證

灑水 字惠子迪考

○訪劉山人不值 此詩二首後首在絕

句解

三徑 羊求 見蒙求蔣詡三逕註

想是荀叔慈 見前考七絕上荀淑事下

○不妨黃葉滿貧家 按此句用劉姓事

劉長卿酌李穆詩孤舟相訪至天涯萬

七絕解拾遺一葉

絕句解拾遺考證

二

一



轉雲山路更賒欲拂柴門迎遠客青苔  
黃葉滿貧家

此公每常暇人不枉作趣關西學者必謂  
之孔子家法呵 孟子陽貨欲見孔子而  
惡無禮大夫有賜於士不得受於其家  
則往拜其門陽貨矚孔子之亡也而饋  
孔子蒸豚孔子亦矚其亡也而往拜之  
關西見蒙求楊震關西註 于鱗嘗

為陝西提學副使

○答張秀才簡 此詩二首後首在絕句

解

○柴門深閉雪霏霏 按想像張病中寂  
寥

金台鄭參戎 武備志浙江計府一十一  
曰杭州曰嘉興曰湖州曰嚴州曰金華  
曰衢州曰處州曰紹興曰寧波曰台州

曰溫州鎮守一員總兵官分守四員枕  
嘉湖參將寧紹參將溫處參將台金嚴  
參將游擊將官二員軍門標下左營軍  
門標下右營

征南將軍官號

後漢書岑彭破木降許邯

遷征南大將軍征南官號蓋始于此按伏  
波將軍馬援南征交趾後世稱征南  
幕府將軍治所見前考七絕上幕府下

金台在三代為百蠻地 大明一統志金

華府禹貢揚州春秋為越西界秦屬會

稽又台州府春秋戰國為越秦屬閩

中郡漢初屬東甌

漢家銅柱 馬援事 見蒙求伏波標柱

註

取天台山賦語 見前考七絕下天台一

名赤城下

樓船 見前考七絕下樓船十道下

金華名原婺星事 浙江名勝志金華府

云三國吳寶鼎元年置東陽郡以其地

在金華之南澗水之東因以為名鄭緝

之東陽記云此境即會稽西部嘗置都

尉理此梁武帝改置金華郡按玉臺新

詠以金星與婺女爭華故曰金華也

開元寺 在歷山舊名佛慧寺 山東名

勝志濟南府歷城縣云舊記云出城南

舜田門外五里歷山下有隋開皇間所

鑄佛像修石作形因建寺曰千佛寺或

以為即遷祓之訛耳按今名開元寺舊

名佛慧寺皆一山也

東林 在廬山遠公結社處 見前考五

絕東林下及七絕下白蓮社下此借用

更 猶再 圍可刪

絕句解

二

四

潞河 北直隸名勝志青縣云潞水源出

幽州漢光武遣吳漢等十二將軍追賊

戰于潞東即此今當縣有流河驛北至

通州通謂之潞河云

○為周真陽詣徐使君而得其報使

有感作此贈

使君南國有詩名屬吏風流思亦清今日

新林還罷郡後 幾人猶似在宣城時此首

周南齊書玄暉為隨王子隆鎮西功曹在  
 按荆州尤被賞愛長史王秀之慮其年少相  
 動密啓世祖名還眺還京途中新林浦作  
 詩寄西府又有牋辭以隆寓其戀戀之意  
 俱載文選公蓋引此况周與徐也但眺  
 為宣城太守在子隆歿後而宣城復與鎮  
 西不相干殆似誤用也因攷子隆為鎮西  
 將軍督荆雍梁寧南北秦六州而南朝時  
 無雍秦地於襄陽僑立雍州改漢宜城縣  
 為華山郡諸僑郡縣守令亦多以太守僚  
 佐兼之則玄暉想或為華山郡太守耳則  
 宣城當是宜城也但玄暉之為宣城最著  
 而宜城亦屬臆斷獨以公極博與不容有  
 此等差誤故併按此詩二首前首在絕  
 記以俟識者耳

句解稿本載此首而刪之拾遺亦不取  
今以先生宣城之考甚奇故記于此

○新豐酒 見前

○挽歌蠡縣 此詩二首前首在絕句解

○白髮漢郎官 暗含顏駟事事見蒙求

顏駟 顏駟事

郎官出宰百里 見前考七絕下出宰下

蠡縣古蠡五城 北直隸名勝志保定府

蠡縣云漢蠡吾縣地今城東二里有蠡

吾族塚即桓帝父諱翼者也卒葬于此

後名博陵其城即蠡吾族所築

有去不返意 見前考五絕荆軻事下

○重別魏使君 此詩四首後二首在絕

句解

楚客 見前考七絕上順甫下

寒帷 見蒙求賈琮寒帷註

陽春一曲 楚事 見前考七絕上白雪

下 岑參詩陽春一曲和皆不

白雪樓 在楚地 湖廣名勝志 羊天府

云楚詞宋玉對襄王曰云云後人因建

白雪樓宋謝諤記云楚地諸州皆有樓

觀收攬奇秀而郢之白雪尤稱雄雅波

光野色極目十里雲烟風物朝昏萬狀

大為騷人墨客攄發情性之資今白雪

樓移在郡治又有陽春亭在通川廳與

白雪樓相望

蓬蒿 見蒙求仲蔚蓬蒿註

○周公瑕 名天球詩數周公瑕以書名

一代詩五言律沉婉有致七言律尤工

合作處高華整麗足上下嘉隆諸子而

世率以書掩之云云以公瑕 近名故

其語罕傳云

上春 早春也 周禮龜人上春釁龜鄭

玄曰上春者夏正建寅之月

一顧 周瑜事 吳志瑜少精意於音樂

雖三爵之後其有闕誤瑜必知之知之

必顧故時人謠曰曲有誤周郎顧

落梁塵 虞公事 見前考五絕梁塵下

同心句 通殷勤 周易上繫辭二人同

心其利斷金同心之言其臭如蘭 駱

賓王詩同心結縷帶連理織成衣 漢

書相如乃令侍人重賜文君侍者通殷

勤

○平臺 見前考七絕下

信陵君 見前考五絕魏公子下 許在

梁故

義氣 當作氣義

寒食 見前考七絕下寒食下

伏牛山僧 廣輿記河南河南府云伏牛

山嵩縣即唐自在禪師修道所

達磨渡江圖 西來遺影少林傳 一葦

前 神僧傳天竺菩提達磨梁武帝普通

元年汎海至金陵與帝語師知機不契

遂去梁折盧渡江止嵩山少林寺終日

面壁而坐九年形入石中拭之益顯人

謂其精誠貫金石也 河南名勝志河

南府登封縣云伽藍記云少林寺在少

室山北麓後魏孝文帝建有初祖庵梁

武帝時達磨于此面壁九年有照影石

云達磨現影 毛詩誰謂河廣一葦杭

之

生死海可渡 坐禪三昧經煩惱深無底

生死海無邊度苦船未立云 樂睡眠

阿堵 點眼顧虎頭事 世說顧長康畫



或數年不點目精人問其故顧曰四  
體妍蚩本無關於妙處傳神寫照正在  
阿堵中  
圖繪寶鑑顧愷之字長康小  
字虎頭晉陵無錫人

祖師禪如來禪 傳燈錄師偽山問香嚴  
師弟近日見所如何嚴曰某甲卒說不  
得乃有偈曰去年貧未是貧今年貧始  
是貧去年貧無卓錫之地今年貧錫也

無師曰汝只得如來禪未得祖師禪

○梁伯龍 見前考七絕下

古別離今別離皆樂府曲 按古樂苑古

詩所等書有長別離古別離生別離無  
今別離唐詩品彙孟雲卿詩有今別離

絕妙辭 蔡邕事 見蒙求楊修捷對註

歙州 卽徽州 廣輿記徽州府隋唐曰

歙州

絕句解合遺考卷

二

卅

入陽韻 按此三字註可刪先生始悉發  
異讀字後皆省矣此失於刪去

鳳將雛 曲名 樂府古題要解舊說漢

世樂曲名也若晉應璩百一詩云言是

鳳將雛非魏晉曲明矣

倦游 見前考七絕上

春色在江南 韋莊詩斷腸春色在江南

公蓋強一出云云 按此詩及下寄贈元

美詩答寄沈孟學詩共公為浙江按察

副使時作

五湖 在吳 見前考七絕上

虎丘 吳地出茶 龍井 在浙江亦出

名茶 潛確類書東川之獸目綿州之松

嶺雅州之露芽南康之雲居饒池之僊

芝霍山之黃芽蘄門之團黃臨江之玉

津蜀州之雀舌鳥嘴潭州之獨行靈草

彭州之僊崖石花袁州之金片綠英建  
 安之青鳳髓岳州之黃翎毛岳陽之含  
 膏冷劔南之綠昌明此皆唐宋時產茶  
 地及名也見茶譜通考以上為昔日之  
 佳品今則吳中之虎丘天池伏龍新安  
 之松蘿陽羨之羅峴杭州之龍井武夷  
 之雲霧皆足珍賞而虎丘松蘿真者尤  
 異他產至于採造昔以蒸碾為工今以

炒製為工而色之鮮白味之雋永古所  
 不及

華如井華之華 本草綱目井泉水下汪  
 穎曰井水新汲療病利人平旦第一汲  
 為井華水其功極廣 杜甫詩呼童汲  
 井華

蘭臺 楚襄王宮 披襟 風賦語 文  
 選宋玉風賦楚王遊於蘭臺之宮有風

颯然而至乃披襟以當之曰快哉此風

相如渴 見前考七絕上

李柱史 史記老子姓李氏周守藏室之

史也 又張蒼秦時為御史主柱下方

書索隱曰周秦皆有柱下史謂御史也

所掌及侍立恒在殿柱之下故老聃為

周柱下史今蒼秦代亦居斯職 王康

琚詩伯夷竄首陽老聃伏柱史

明月 班婕妤語 見前考五絕齊紈扇

下

西臺 見前考七絕上西省白雲下

蛾眉 蜀山名雪常不消 四川名勝志

嘉定州峩眉縣云任豫益州記云峩眉

山在南安縣界兩山相對狀如蛾眉

五雜組 山海經曰由首山小威山空桑

山皆冬夏有雪漢書西域傳曰天山冬

夏有雪今蜀蛾眉山夏有積雪其中有  
雪蛆云又蛾眉山雖六月盛寒未必有  
雪惟至絕頂望正西一片白茫茫然不  
知其幾千里土人云此西域雪山也有  
一年酷暑西望不見白者而巴江之水  
漲逾百倍云是雪山水消耳又山莫  
高於峨眉莫秀於天都莫險於太華莫  
大於終南莫奇於金山華不注莫巧於

武夷其它鴈行而已峨眉之巔有積雪  
武夷半壁有仙舟華不注地中崛起天  
都面面蓮花苟不親見以語人未必信  
也又峨眉雖六月必具單夾絮衣而  
登其下猶炎暑也至半山則御夾衣絕  
頂則著絮矣過十月則不可登道爲雪  
封且寒甚矣其山本以兩峰相對如蛾  
眉然故名蛾字當從虫不當從山也

康熙字典陰山峨眉二山積雪不消生蛆大如瓠俗呼雪蛆

濯錦江 蜀江名 潛確類書錦江在四

川成都府城南一名汶江織錦濯此則

鮮麗其地曰錦里 王維詩大羅天上

神仙客濯錦江頭花柳春

○答贈沈孟學 此詩四首前三首在絕

句解

寂寞 子雲事 奇字問 亦子雲事

族芭窺玄 共見蒙求子雲投閣註

子雲曉事 見前考七絕上解事下

西園飛蓋客 文選曹植公譙詩公子敬

愛客終宴不知疲清夜游西園飛蓋相

追隨云云

應璩劉楨 璩當作瑒魏志始文帝為五

官將及平原侯植皆好文學祭與北海

徐幹字偉長廣陵陳琳字孔璋陳留阮  
 瑀字元瑜汝南應瑒字德璉東平劉楨  
 字公幹並見友善瑒楨各被太祖辟為  
 丞相掾瑒轉為平原侯庶子後為五官  
 將文學楨以不敬被刑刑竟署吏咸著  
 文賦數十篇文帝書與元城令吳質曰  
 昔年疾疫親故多離其災徐陳應劉一  
 時俱逝杜甫詩賓客減應劉

春酒百花香

見前考七絕下春酒百花香

下

金谷園中樹

石崇金谷詩序有別廬在

○河南縣界金谷澗中或高或下有清泉  
 茂林衆果竹柏藥草之屬莫不畢備

河陽縣裏栽

見前考七絕下

○惆悵詞

唐詩紀事有王渙惆悵詩十

二首

膏沐 毛詩自伯之東首如飛蓬豈無膏

沐誰適為容

○雙比翼 白居易長恨歌在天願作比

翼鳥在地願為連理枝

○同心 駱賓王詩同心結縷帶

○坐翠微 杜甫詩日日江樓坐翼微

芰荷衣 屈事 離騷制芰荷以為衣兮

集芙蓉以為裳

○怪來 雖夜不作人間夢一夜寒泉拂牖

飛見得夢魂緣是清

戲做先生解

○潘潤夫 王世貞潘潤夫家存稿序蓋

濟南有李于鱗云而于鱗所亟稱者非

王生六七輩則其鄉人許殿卿潘潤夫

襲克懋也

憔悴 見蒙求屈原澤畔註

潘郎 岳 見蒙求岳湛連璧註 楊巨

絕句解

二

十一



源詩清潤潘郎玉不如中庭蕙草雪銷

初

秋興 潘岳賦 二毛 見前考七絕下

○湧泉菴 想是居姑住此居必有緣故

今不可知矣觀詩中人不見字秋老字

必是為情人守節者

○中林 毛詩肅肅兔置施于中林

叔牙山 鮑山也 山東名勝志歷城縣

云城塚記云縣東三十里有鮑山山下

有城鮑叔牙食邑也相傳叔牙與管仲

分金于此鮑叔墓在焉 史記管仲曰

生我者父母知我者鮑子也

王粲 見蒙求仲宣獨步註

○登樓 漳南 文選王粲登樓賦覽斯

字之所處兮實顯敞而寡仇挾清漳之

通浦兮倚曲沮之長洲

曹鑿 曹植劉楨見前應瑒劉楨下 鍾

嶸詩品昔曹劉殆文章之聖陸謝為體

貳之才 又輕蕩之徒笑曹劉為古拙

謂鮑昭羲皇上人謝朓今古獨步

○與三君登樓上三

誰憐王粲比自嬾登樓病起所以漳南荆

地王粲作登樓賦處比三客君秋自喜賦成多麗

句是何因知座上有曹鑿比三君○

為是故

戲倣先生解

漢淮南王有小山 桂樹篇 小山招隱

賦 見前考七絕下

○南山 東籬 見前考七絕上

陶家載酒期 九日 彭澤 白衣 見

蒙求陶潛歸去註及淵明把菊註

小山那在問 問字圍可刪

○散帙 謂開書卷也謝靈運詩散帙問

所知 杜甫詩散帙壁魚乾

離群 禮記子夏曰吾離群而索居亦已久矣

○茱萸 見前考七絕上 王維九月九

日憶山東兄弟詩遙知兄弟登高处遍

插茱萸少一人 杜甫九日藍田崔氏

莊詩明年此會知誰健醉把茱萸仔細

看 唐溟七絕解拾遺考證

